


PUOGAE YA MOPHATO 2

# Jerry o rata go buisa



SETSWANA

Maemo:

I

Buka

4



# Puiso e e kaelwang ya ditlhophha

## Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele ba buisa kgang.

## Puiso ya ntlha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya buka kwa godimo.

## Motlotlo

- Botsa dipotso tsa tekatlhologanyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e, di le botlhokwa le mosola go kaela motlotlo wa phaposi.

## Puiso ya bobedi


- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. Tlhophha ditirwana tse di lekaneng maemo a barutwana.
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeeditsweng kwa morago ga buka e. (Tlhophha ditirwana tse di lebaneng maemo a barutwana)

Letla barutwana go diragatsa kgan fa e ba letla go dira jalo.



Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeeditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwae mo dibukeng tsa bona tsa dithutiso.


# Jerry o rata go buisa




Jerry wa thutlwa o nna kwa  
serapeng sa diphologolo.

Gompieno Jerry o bone  
mosetsanyana a buisa buka fa pele  
ga hoko ya gagwe.

"Buka eo e lebega e le monate  
thata. Ke eletsa o ka re ke ka ya  
kwa laeboraring go ya go bona  
dibuka di le mmalwa," ga bua  
thutlwa.




Jerry wa thutlwa o ngweega kwa serapeng sa diphologolo. O ya kwa laeboraring.



SERAPA SA DIPHLOGOLO


“Ke eletsa o ka re ke ka tsena mo  
laeboraring mme ka buisa buka,”  
ga bua thutlwa.

# LAEBORARI



O lebelela ka letlhaphabefo mme o  
buisa buka ya ga Jabu.

"Buka eo e ka ga disutlhalefaufau  
e lebega e le monate," a akanya.




O lebelela ka letlhhabaphefo mme  
o buisa buka ya ga Amo.

"Buka eo ya dikgang le yona e  
lebega e le monate," a akanya.




O lebelela ka letlhaphaphefo mme  
o buisa buka ya ga Bongi.

"Buka eo e e ka ga go apaya le  
yona e lebega e le monate," Jerry  
a akanya.




O lebelela ka letlhhabaphefo mme  
o bona ralaeborari a diga buka.

O leletsa motlhokomedi wa  
serapa sa diphologolo go tla go  
tsaya Jerry.




Nnyaya tlhe, Rre Thutlwa  
o tshwanetse go boela kwa  
serapeng sa diphologolo.



Re go amogela gape mo serapeng  
sa diphologolo Jerry Thutlwa.  
Re tlaa go tlisetsa dingwe tsa  
dibuka tsa laeborari beke nngwe  
le nngwe.

## Dibuka di dintle!







# Opelang!

## Ke itse Thutlwa

(E opele ka tšunu e o e ratang.)

Ke itse thutlwa,  
ka molala o o kwa godimo tota.  
O a taologa, o taologe,  
go fitlha o tsena kwa legodimong.  
E tshela mo leralleng,  
le ditlou tota.  
Le wena o ka nna wa mmona,  
fa o ya kwa serapeng sa diphologolo.





## Dithutlwa

Thutlwa ke phologolo e e tshelang ya lefatshe e teleletelele mme e ja matlhare a ditlhare. Dithutlwa di na le melala le megatla e meleele. Maleme a tsona a maleele mo di kgonang le go latswa ditsebe tsa tsona.

# Ditirwana tsa puiso ya ditlhophha







I

Lebelela ditshwantsho.

Bolelela tsala ya gago gore go diragala eng mo setshwantshong sengwe le sengwe. Bolelela tsala ya gago gore ke setshwantsho sefe se se tshwanetseng go nna sa ntsha, sa bobedi, sa boraro le sa bofelo.

Tlotlela tsala ya gago kgang e gape o dirisa ditshwantsho.






2 Diragatsang kgang e.




3 Setshwantsho sa 2 se farologana jang le sa !?  
O kgora go bona dipharologano di le kae?

SETSHWANTSHO I



SETSHWANTSHO 2



4 Kwala dipolelo di le 2 ka ga setshwantsho se sengwe  
le se sengwe se se fa godimo.



5 Buisa dipotso tse, mme o bolelele tsala ya gago  
dikarabo.

- Naya setlhogo sa kgang.
- Moanelwamogolo ke mang?
- Jerry o bona dibuka dife kwa laeboraring?
- Ke goreng ralaeborari a ne a diga buka fa a bona Jerry?


- e. A o akanya gore kgang e ke ya nnete?
- f. O kgona go bona diphologolo di le kae mo tsebeng ya 17. Naya maina a tsona.
- g. O akanya gore Jerry o ne a ikutlwa jang fa ba mmusetsa kwa serapeng sa diphologolo? Tshegetsa karabo ya gago ka lebaka.
- h. Ke potso efe e o batlang go e botsa morutabana wa gago ka ga kgang e?



**6**

O rata buka efe?

Mo bukeng ya gago ya dithutiso, thala setshwantsho ka ga buka e o e ratang. Morago o kwale dipolelo di le 4 – 6 mo bukeng ya gago.



## PUOGAE YA MOPHATO 2



Buka 4

<i>Leina kana setlhogo:</i>	Jerry o rata go buisa
<i>Puo:</i>	Setswana
<i>Maemo:</i>	Padiso ya Puogae ya Mophato 2 Maemo 1 Buka 4
<i>Mofuta wa sekwalwa:</i>	Kanelo
<i>Mafoko a tlwaelo:</i>	Mafoko a tlwaelo: buisa, tsamaya, tshela, amogetswe, sengwe, ya, kgakala
<i>Tlotlofoko:</i>	monate, sesutlhalefaufau, apaya, laeborari, motlhokomedi, raelaborari, kgogedi, motlhatlhobi, natefa
<i>Medumopuo:</i>	th, kg, tlh, au, ya, ai, ou, ea
<i>Diteng, marel le bokgoni:</i>	<ul style="list-style-type: none"><li>▪ Tlhalosa ditshwantsho</li><li>▪ Tlhomaganya ditshwantsho ka tatelano e e nepagetseng</li><li>▪ Dirisa ditshwantsho go tlotla kgang gape</li><li>▪ Diragatsa kgang</li><li>▪ Batla mafoko a a rumisanang go tswa mo temaneng</li><li>▪ Lemoga dipharologano</li><li>▪ Kwala dipolelo tse 2 ka ga setshwantsho</li><li>▪ Botsa o bo o araba dipotso tsa tekatlhaloganyo</li><li>▪ Lemoga buka e o e ratang, thala setswantsho ka ga yona. Kwala kgang e ka mafoko a gago. Kwala dipolelo di le 4-6.</li></ul>

CAPS e batla gore barutabana ba beeble kwa thoko nako e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.

Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa', tekathlaloganyo le ditirwana tse dingwe tse di tsamaelanang go thusa morutabana go kaela puiso ya ditlhophpha mo diphaposiborutelong tsa bona.

ISBN 978-1-4315-2657-4



9 781431 526574



ISBN 978-1-4315-2657-4

**THIS BOOK MAY NOT  
BE SOLD.**



**basic education**

Department:  
Basic Education  
**REPUBLIC OF SOUTH AFRICA**

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dibuka tse dingwe tse di  
mo Šelofong ya Puogae ya  
Mophato 2:



Sisi o iponela tsala e ntšhwa

Ke botshelo jwa ntšwa

Pitse e tilodi e bone  
methaladi jang?

Jerry o rata go buisa



Bubu o a latlhega

Ke seo ditsala di tshwanetseng  
go nna sona

Pidipidinyana e e maswe



Baesekele e ntšhwa ya ga  
Bakang

Diphologolo di ya kwa  
lewatleng

Wendy Leruarua o boloka  
botshelo